

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA
Broj: 42 0 K 047242 19 Kps
Zavidovići, 11.07.2019. godine

U IME FEDERACIJE BOSNE I HERCEGOVINE!

Općinski sud u Zavidovićima, sudija Uzeir Kalabić, kao sudija za prethodno saslušanje, uz sudjelovanje zapisničara Osmić Hajre, u krivičnom predmetu protiv optuženog S.E. , sin A. iz M., zbog krivičnog djela zloupotreba položaja ili ovlašćenja iz člana 383 st.1 KZ F BiH, a po optužnici Kantonalnog tužilaštva ZDK broj T04 0 KTPO 0032672 17 od 29.04.2019. godine , na ročištu za razmatranje sporazuma o priznanju krivnje, održanom dana 11.07.2019.godine, kojem su prisustvovali KT Zenica Husić Adis, optuženi i branilac optuženog, advokat Ljubović Bakir, nakon prihvatanja sporazuma o priznanju krivnje, dana 11.07.2019.godine, donio je i javno objavio slijedeću:

P R E S U D U

S.E. sin A. i majke F., rođen ..., u M., gdje je i nastanjen, po zanimanju nastavnik razredne nastave, zaposlen u škola Maglaj, oženjen, otac dvoje djece, Bosanac, državljanin BiH, neosuđivan, JMBG...,

K r i v j e

Što je

- u svojstvu odgovorne osobe

kao direktor škola Maglaj“ u kojem svojstvu je ovlašten članom 44. stav 1. Pravila škola Maglaj“ gdje je navedeno pod alinejom 2. da vodi poslovanje Škole starajući se o primjeni zakona i općih akata, a u 11. alineji da je odgovoran za obavljanje poslova u Školi na osnovu zakona i drugih propisa,

- u kojem svojstvu je donio Rješenja o prevođenju rada sa određenog radnog vremena na neodređeno radno vrijeme i Ugovore o radu na neodređeno vrijeme sa nastavnicima bez raspisivanja javnog konkursa

svjestan odredaba člana 19. stav 4. i člana 20. stav 1. tačka 7. Zakona o radu F BiH, prema kojima zaposleniku koji ima zaključene ugovore o radu na određeno vrijeme sa istim poslodavcem uzastopno na vrijeme duže od dvije godine bez prekida takav ugovor smatrat će se ugovorom o radu na neodređeno vrijeme, te odredaba člana 70. Zakona o osnovnoj školi Ze-Do kantona, odredaba člana 134. stav 1. Pravila škola Maglaj“ “ i odredaba člana 12. stav 1. Pravilnika o radu ove Škole prema kojima se prijem nastavnika vrši putem javnog konkursa,

- pa je iskoristivši službeni položaj i ovlašćenja

dana 30.08.2013. godine u Maglaju, s namjerom da pribavi korist B.M. i K.M. u vidu regulisanja radnog statusa na neodređeno vrijeme, a nakon što je prethodno Školski odbor te škole dana 25.06.2013. godine donio Odluku o prevođenju u stalni radni odnos za navedene nastavnike-na neodređeno radno vrijeme, te iako je bio prisutan na toj sjednici nije upozorio Školski odbor da se takva odluka po zakonu ne može donijeti, a zatim je iskoristivši tu Odluku donio Rješenja o prevođenju rada sa određenog radnog vremena na neodređeno radno vrijeme i zaključio Ugovore o

radu na neodređeno vrijeme sa ovim zaposlenicima, iako je znao da se prema uslovima propisanim u konkursu za prijem nastavnika u radni odnos u školskoj 2013/2014 godini koji je raspisan 30.07.2013. godine prijem vršio na određeno vrijeme, te da je kod ovih nastavnika nastupio prekid između ugovora o radu na određeno vrijeme u trajanju dužem od 15 dana, na koji način je pribavio korist B.M. i K.M. u vidu sticanja radnog statusa na neodređeno vrijeme,

čime je počinio krivično djelo zloupotreba položaja ili ovlašćenja iz člana 383. stav 1. KZ F BiH.

Pa mu sud, primjenom odredbi naprijed navedenih članova, te članova 49, 59, 60 i 62 KZ FBiH, kao i čl. 246 KZ FBiH i čl. 300 ZKP FBiH i z r i č e

UVJETNU OSUDU

Kojom se optuženom za krivično djelo zloupotreba položaja ili ovlašćenja iz člana 383. stav 1. KZ F BiH, utvrđuje kazna zatvora u trajanju od 6(šest) mjeseci i istovremeno određuje da se ona neće izvršiti ukoliko optuženi u roku od 2 godine od dana pravosnažnosti ove presude ne počinu novo krivično djelo.

Optuženi se obavezuje da na ime troškova krivičnog postupka plati iznos od 100,00 KM, u roku od 8 dana od dana pravosnažnosti presude, pod prijetnjom izvršenja.

O b r a z l o ž e n j e

Kantonalno tužilaštvo ZE-DO kantona Zenica, optužnicom broj: T04 0 KTPO 0032672 17 od 29.04.2019.godine, optužilo je S.E. iz M., zbog osnovane sumnje da je počinio krivično djelo zloupotreba položaja ili ovlašćenja iz člana 383 st.1 KZ F BiH

Sudija za prethodno saslušanje Općinskog suda u Zavidovićima potvrdio je u cjelosti navedenu optužnicu dana 07.05.2019.godine i dostavio optuženom.

Nakon toga, tužitelj Kantonalnog tužilaštva ZE-DO kantona Zenica, dana 11.07.2019.godine, uložio je u krivični spis pisani Sporazum o priznanju krivnje broj: T04 0 KTPO 0032672 17 od 11.07.2019.godine, tako da je sudija za prethodno saslušanje zakazao ročište na kojem je razmotrio navedeni sporazum o priznanju krivnje.

Postupajući u skladu sa čl. 246. st. 4. ZKP FBiH sudija za prethodno saslušanje je prvo provjerio sadržinu sporazuma o priznanju krivnje i utvrdio da su kantonalni tužilac KT ZE-DO kantona Zenica, Muris Hadžiselimović, optuženi, te branilac optuženog, advokat Bakir Ljubović, u skladu sa čl. 246. st. 1., 3. i 4. ZKP FBiH, dana 11.07.2019. godine, sačinili pisani Sporazum o priznanju krivnje broj: T04 0 KTPO 0032672 17 od 11.07.2019.godine, kojim optuženi priznaje krivnju za krivično djelo zloupotreba položaja ili ovlašćenja iz člana 383 st.1 KZ F BiH, za koje je optužen optužnicom Kantonalnog tužilaštva ZE-DO kantona, broj: T04 0 KTPO 0032672 17 od 29.04.2019.godine i pristaje da mu se za krivično djelo zloupotreba položaja ili ovlašćenja iz člana 383 st.1 KZ F BiH, utvrdi p kazna zatvora u trajanju od 6(šest) mjeseci i istovremeno određuje da se ona neće izvršiti ukoliko optuženi u roku od 2 godine od dana pravosnažnosti ove presude ne počinu novo krivično djelo.

Sadržinu prednjeg pisanog sporazuma o priznanju krivnje, tužilac, optuženi i branilac, potvrdili su na ročištu, pred sudijom za prethodno saslušanje.

Razmatrajući dalje sporazum o priznanju krivnje, sudija za prethodno saslušanje je utvrdio slijedeće: da je optuženi sporazum o priznanju krivnje sačinio dobrovoljno, svjesno i sa razumijevanjem, kao i nakon upoznavanja od strane tužioca o mogućim posljedicama, uključujući i posljedice vezane za imovinskopravni zahtjev i troškove krivičnog postupka; da postoji dovoljno dokaza o krivnji optuženog; da optuženi razumije da se sporazumom o priznanju krivnje odriče

prava na suđenje i da ne može uložiti žalbu na krivičnopravnu sankciju koja će mu se izreći, te da je predviđena krivičnopravna sankcija u skladu sa čl. 246. st. 3. ZKP FBiH.

Po nalaženju sudije, krivnju optuženog za učinjeno krivično djelo dovoljno osnovano potvrđuju slijedeći dokazi: Zapisnik sa 9. sjednice Školskog Odbora od 25.06.2013. godine, kao i izvod iz zapisnika sa 9. sjednice ŠO škola Maglaj“ broj 01-266-1/13 od 26.06.2013. godine, Odluka o prevođenju u stalni radni odnos dva nastavnika u školskoj 2013/2014 godini po konkursu od 30.07.2011. godine – rad na neodređeno radno vrijeme škola Maglaj“ broj 01-266-2/13 od 25.06.2013. godine, u prilogu koje se nalaze molbe B.M. i K.M., Konkurs škola Maglaj“ za prijem nastavnika u radni odnos u školskoj 2013/2014 – rad na određeno radno vrijeme, Rješenje o prevođenju rada sa određenog radnog vremena u rad na neodređeno radno vrijeme škola Maglaj“ broj 01-341-1/13 od 30.08.2013. godine za B.M., Ugovor o radu na neodređeno radno vrijeme za .B.M. broj 01-340-1/2013 od 30.08.2013. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-16-2/08 od 28.01.2008. godine, sa Ugovorom o radu na isto radno vrijeme na ime B.M. te Rješenje o prestanku radnog odnosa broj 01-313-6/08 od 15.08.2008. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-342-1/08 od 01.09.2008. godine, sa Ugovorom o radu na isto radno vrijeme na ime B.M., te Rješenje o prestanku radnog odnosa broj 01-217-1/09 od 15.08.2009. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-301-13/2010 od 13.09.2010. godine, sa Ugovorom o radu na isto radno vrijeme na ime B.M., te Rješenje o prestanku radnog odnosa broj 01-278-8/11 od 16.08.2011. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-334-5/11 od 01.09.2011. godine, sa Ugovorom o radu na isto radno vrijeme na ime B.M., te Rješenje o prestanku radnog odnosa broj 01-350-8/12 od 16.08.2012. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-398-7/12 od 03.09.2012. godine, sa Ugovorom o radu na isto radno vrijeme na ime B.M., te Rješenje o prestanku radnog odnosa broj 01-310-10/13 od 16.08.2013. godine, Rješenje o prevođenju rada sa određenog radnog vremena u rad na neodređeno radno vrijeme škola Maglaj“ broj 01-341-2/13 od 30.08.2013. godine za K.M., Ugovor o radu na neodređeno radno vrijeme za K.M. broj 01-340-2/2013 od 30.08.2013. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-342-2/08 od 01.09.2008. godine, sa Ugovorom o radu na isto radno vrijeme na ime K.M., te Rješenje o prestanku radnog odnosa broj 01-217/09 od 15.08.2009. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-260-8/09 od 07.09.2009. godine, sa Ugovorom o radu na isto radno vrijeme na ime K.M., te Rješenje o prestanku radnog odnosa broj 01-255-7/2010 od 11.08.2010. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-325-3/2010 od 13.09.2010. godine, sa Ugovorom o radu na isto radno vrijeme na ime Karabegović Miralema, te Rješenje o prestanku radnog odnosa broj 01-278-6/11 od 16.08.2011. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-334-3/11 od 01.09.2011. godine, sa Ugovorom o radu na isto radno vrijeme na ime K.M., te Rješenje o prestanku radnog odnosa broj 01-350-10/12 od 16.08.2012. godine, Rješenje o prijemu zaposlenika u radni odnos (rad na određeno radno vrijeme) škola Maglaj“ broj 01-398-6/12 od 03.09.2012. godine, sa Ugovorom o radu na isto radno vrijeme na ime K.M., te Rješenje o prestanku radnog odnosa broj 01-310-11/13 od 16.08.2013. godine, Rješenje o imenovanju direktora škole škola Maglaj“ broj 01-253-1/09 od 01.09.2009. godine, Ugovor o radu na neodređeno radno vrijeme sa S.E. od 01.09.2009. godine, Pravilnik o radu JU „Prva osnovna škola“ Maglaj broj 01-192/12 od 12.05.2012. godine, Pravila JU „Prva osnovna škola“ Maglaj broj 01-336/11 od 01.09.2011. godine, Izvod iz kaznene evidencije za optuženog S.E. i Zapisnik o ispitivanju osumnjičenog S.E. od 25.04.2019. godine.

Optuženi priznaje krivicu, tj. izvršenje krivičnog djela, koje mu se stavlja na teret, a njegovo priznanje je u cjelosti potvrđeno svim dokazima u spisu.

Pošto su ispunjeni svi uvjeti iz čl. 246. ZKP FBiH, sudija za prethodno saslušanje je prihvatio sporazum tužioca, optuženog i branioca o priznanju krivnje broj: T04 0 KTPO 0032672 17 od 11.07.2019.godine.

Nakon prihvaćanja prednjeg sporazuma o priznanju krivnje, prilikom rasprave o izricanju krivičnopravne sankcije predviđene sporazumom, tužilac, optuženi i branilac optuženog, saglasno su izjavili da ostaju kod postignutog i prihvaćenog sporazuma o priznanju krivnje i da predlažu izricanje sankcije predviđene tim sporazumom.

Na osnovu iskaza stranaka i uvida u zapisnik o razmatranju sporazuma o priznanju krivnje, sudija je utvrdio da su se stekli uvjeti da se optuženom izrekne krivičnopravna sankcija predviđena sporazumom o priznanju krivnje, broj: T04 0 KTPO 0032672 17 od 11.07.2019.godine, pa je na istom ročištu donio i javno objavio presudu kojom se optuženom za krivično djelo zloupotreba položaja ili ovlašćenja iz člana 383. stav 1. KZ F BiH, utvrđuje kazna zatvora u trajanju od 6(šest) mjeseci i istovremeno određuje da se ona neće izvršiti ukoliko optuženi u roku od 2 godine od dana pravosnažnosti ove presude ne počini novo krivično djelo.

Sud nalazi da će se izrečenom krivičnopravnom sankcijom - uvjetnom osudom, ostvariti svrha kažnjavanja iz čl. 42. KZ FBiH.

Shodno članu 202 st. 1 ZKP FBiH, optuženi se obavezuje da na ime troškova krivičnog postupka plati iznos od 100,00 KM, u roku od 8 dana od dana pravosnažnosti presude, pod prijetnjom izvršenja.

Zapisničar
Osmić Hajra

Sudija za prethodno saslušanje
Uzeir Kalabić

POUKA: Protiv ove presude može se izjaviti žalba Kantonalnom sudu u Zenici, u roku od 15 dana od prijema prijepisa presude. Žalba se podnosi putem ovog suda u 3 primjerka. Protiv odluke o krivičnopravnoj sankciji optuženi ne može izjaviti žalbu.